



Služba za komunalne djelatnosti,
vodne resurse, zaštitu okoliša i
inspeksijske poslove

Department for utility services, water
resources, environmental protection and
inspection affairs

Odsjek za komunalne djelatnosti, vodne resurse i zaštitu okoliša

Broj: 06/1-45-53/21
Velika Kladuša, 21.1.2021. godine

Stomatološka komora Federacije BiH
Ulica Braće Begić br. 38
71 000 Sarajevo

PREDMET: Obavještenje, dostavlja se,-

VEZA: Vaš akt broj: 02-11-1/21 od 6.1.2021. godine

Poštovani,

Vašim aktom, broja i datuma navedeno gore u vezi, obratili ste se Općini Velika Kladuša sa zahtjevom za ukidanje takse na istaknutu firmu za privatne stomatološke ustanove, privatne stomatološke ordinacije i zubotehničke laboratorije. U svom zahtjevu ste, između ostalog, naveli da tražite da općinsko vijeće donese odluku o izmjeni i dopuni Odluke o visini komunalnih taksi, kojom bi bila ukinuta obaveza plaćanja takse na istaknutu firmu za subjekte privatne zdravstvene zaštite za 2021. godinu. Kao razlog za Vaše pismeno obraćanje naveli ste da su događaji uzrokovani pandemijom virusa COVID-19, vrlo negativno utjecali na privatnu stomatološku praksu.

Kako bismo mogli da odgovorimo na Vaš zahtjev, neophodno je da pomenemo sljedeće: članom 2. Odluke o komunalnim taksama i tarifi komunalnih taksa („Službeni glasnik Općine Velika Kladuša“, broj: 12/05, 9/06, 10/09, 10/14 i 14/17) propisano je da se komunalne takse plaćaju za korištenje predmeta i usluga utvrđenih Tarifom komunalnih taksi, koja je sastavni dio te Odluke.

U članu 4. iste Odluke, između ostalog, stoji da naplatu komunalne takse iz Tarifnog broja 4, kojim je propisana tarifa komunalne takse za istaknutu firmu, natpise i slično što zamjenjuje firmu, vrši Porezna uprava – ispostava Velika Kladuša.

Pored navedenog, članom 5. iste Odluke propisano je da je obveznik komunalne takse iz Tarifnog broja 4 dužan Poreznoj upravi podnijeti prijavu za plaćanje komunalne takse na obrascu PKT koji je sastavni dio te Odluke do 31. januara tekuće godine za takse koje se plaćaju na godišnjem nivou a u koje, prema navedenoj Odluci, spadaju i ljekarske, stomatološke ordinacije i apoteke.

Naime, iz citiranih odredbi jasno proizilazi da je obaveza nadležnih organa iz Odluke o komunalnim taksama da početkom svake godine vrši naplatu komunalne takse u skladu sa tom Odlukom.

Napominjemo da je krajem prošle godine Poreska uprava Federacije BiH, putem Javnog poziva za podnošenje poreznih prijava za 2020. godinu pozvala sve porezne obveznike: pravna lica, poduzetnike i građane da u skladu sa Zakonom o Poreznoj upravi Federacije BiH i drugim poreznim zakonima i podzakonskim aktima podnesu, između ostalog prijave komunalne, kantonalne i općinske takse, u rokovima i na obrascima koji su propisani za svaki kanton, odnosno općinu pojedinačno za ovu godinu.